

1.

0-11

HISTORY EA MAKHOLOKOE.

Re tlohela tsa Magaliesberg moo Tabane, ntata Bapeli le Makholokoe le Maphuthing le Batlokoa le Basiaa.

Ho ea fihla Tubatse tsena re ea li siea. Re qala tsa 'muso oa Makholokoe ka Seratoe kapa Thabakholokoe moo a ileng a busa ka nako e telele teng, hape ha busa Marena a robeli a ntse a hlahlamana moo e leng motsana oa Morgenzon kajeno. Mabitso a marena ao ke ana:

- | | |
|--------------|---|
| 1. Lefata | 4. Tsoleli |
| 2. Motsoane | 5. Sehoaba |
| 3. Poka | 6. Matsemela le bara ba hae bao e leng bo |
| 7. Mokholane | 8. Lehasa le Maphale le Tsele le Nyere. |

Kamora moo ha hlaha lifaqane tse ngata ke hore lintoa tsa Matebele, ke moo Molupi mora Poka a ileng a balehela ha Mofeli teng a fihla a mema Mahlopo hore a tlo loantša Polane mora Tsoleli eaba Morena Polane oa bolaoa le mor'a hae Selotolotsa le barali ba hae ba babeli. Ke ha Makholokoe a tla qhaleha nakong eo.

Seima le sechaba se seng ba ea ha Zulu kamora moo ke ha Morena Seka mor'a Lehasa a mo sala morao ho ea ha Zulu le eena. Bara ba Matsemela ba theosa noka ea Lekoa ka ho le letona ba ea haha Seretoe ke hore Standerton kajeno, ho ea fihla Heidelberg.

2. Leha ho le joalo ka mora lintoa Makholokoe a ile a khoasana kapele a bokellana ha 'moho.

Mohla morena Seka a eang ha Zulu o na nkile ngoana oa moholoane oa hae eo e leng Letlatsa. Ha ba fihla ha Zulu ke ha Seima a tseka ngoana eo empa Seka a hana ka eena, mofereferere oo oa ba oa lamoloe (namoloe) ke morena oa ha Zulu, Chaka, a ba a rea ngoana eo lebitso la Machobane hanthe la hae o na a bitsoa ka la Serine. Kamora moo morena Seka a neha mor'a hae e moholo ngoana eo a re ke mojalafa la hae. Mor'a Seka ke Wetsie, ha thoe ke ea hlahlangoang ke Lephatsoana. Morena Wetsie a tloha ha Zulu ba tla Thaba-li-maqhoa ke hore loting la Namahali,

Wetzieshoek kajeno. Ha Wetzie a se a le Wetzieshoek a ntša bara ba hae metse. E moholo a mo ntšetsa Hapule moo e leng motsana oa Kestele kajeno, eena Letlatsa, oa bobeli a mo ntšetsa Namahali moo e leng ha morena Ntsane kajeno, eena Lephats'oana oa boraro a mo ntšetsa Matlakeng, Longberg district ea Bethlehem. Eena Hlomisi a busa ka lilemo tse teleletsana le bara ba hae. Kamora lilemo tse ngata ba le moo a khathatsoa ke Maburu haholo-holo a ba a futhuheloa ke ntoa eo e neng e tsamaisoa ke Major Orpen.

Ka nako eo morena Molupi o na ahile Likhoeling ke ho re moo e leng motsana oa Clerence kajeno haufi le Bethlehem.

3. Ke eona ntoahali eo e ileng ea qhala Makholokoe, ea Major Orpen. Makholokoe a kile a balehela ha Molapo, Lesotho. Leha ho le joalo eitse ka mor'a ntoa ea Seqiti morena Hlomisi mora oa boraro oa Wetzie a etsa selekane le Maburu ha ea loants'oa Ramanehella eo Maburu a neng a belaela ka eena hore ke lesholu. Ke ha Makholokoe a tla phakisa ho khutla Lesotho ho tla Maburing ka baka la Hlomisi. A tla ka likhomo tse ngata ho etsa selekane le Maburu le hore ba boeloe ke lefatše la bona. Ke ha Maburu a tsamaisoa ke C. de Villiers. Makholokoe taba tsa bona li ne li amoheloe hantle leha ba sa ka ba nehoe seo ba neng ba se batla ho fihlela kajeno ba ntse ba kopa. Bona ba ntse ba le marakong a batho ba khale. Ba ntse ba hlonepha mali a m borena ba bona har'a 'muso oa Kopano le kajeno la bo jeno.

END. S. 116.